

Script of Evening Gojri News Bulletin 07 December 2024 at 1700 Hrs

ایوننگ گو جری نیوز بلیٹن مور 07 دسمبر 2024

یوہ آکا شوانی جموں ہے محمد اکرم چودھری تے طارق ابرار تیں خبر سُنو۔ پہلاں خاص خاص خبر۔

- * 1۔ لیفٹنٹ گورنر منوج سنہا نے کہیو ہے جے فوج نے دہشت گردی سنگ نمڑن تے امن بحال کرن مانہ کلیدی رول نبھایو ہے۔
- * 2۔ وزیر اعظم نریندر مودی نے کہیو ہے جے سرکار سماج غا ہر طبقہ نانہ اسکولی تعلیم مہیا کران واسطے پُر عزم ہے۔
- * 3۔ سرکار نے راجوری پونچھ، ڈوڈہ، کشتواڑ ضلعان واسطے ہیلی خدمات دوبارہ تیں شروع کر دتی ہیں۔
- * 4۔ تے جو نئیر وومینز باکی ایشیا کپ مسقط اومان مانہ شروع ہو گئیو ہے۔

خبران غی تفصیل نال پہلاں محمد اکرم چودھری۔

LG Flag Day

لیفٹنٹ گورنر منوج سنہا نے کہیو ہے جے دہشت گردی سنگ نمڑن تے جموں کشمیر یوٹی غا شہریاں خاص طور و سرحدی علاقان مانہ رہن آلا لوکان نانہ محفوظ ماحول مہیا کران مانہ کلیدی رول نبھایو ہے۔ ایل جی موصوف نے مسلح افواج غی خدمات نانہ اُجاگر کرتاں و ان کہیو جے فوج غا شاندار رول غی وجہ نال جموں کشمیر سماجی معاشی ترقی غا تاریخی دور مانہ داخل ہو گئیو ہے۔ اور اس غو پُہل جموں کشمیر یوٹی غا کو نہ کو نہ توڑی پُچ رہیو ہے۔ ایل جی منوج سنہا مسلح افواج یوم پرچم غا سلسلہ مانہ راج بھون جموں مانہ اک تقریب سنگ خیالات غو اظہار کر رہیا تھا۔ لیفٹنٹ گورنر نے جموں کشمیر یوٹی غا لوکان تیں اپیل کی ہے جے وے آرمڈ فلیگ ڈے فنڈ مانہ بدھ چڑھ غے عطیو دے غے بہادر جوانان غی خدمات غو شکریو ادا کریں۔

PM Flag Day

وزیر اعظم نریندر مودی نے کہیو ہے جے مسلح افواج غو پرچم تہاڑو مُلک غا بہادر جوانان غی قربانیاں اور مُلک واسطے خدمت غا جذبہ نانہ سلام کرن غی خاطر مانیو جا نے۔ مسلح افواج یوم پرچم غا موقعہ و وزیر اعظم نریندر مودی نے اپنا پیغام مانہ کہیو جے مسلح جوانان غی بہادری تے قربانی ہر شہری نانہ تحریک بخشے۔ انہاں نے لوکان و زور وی دتو جے وے آرمڈ فورسز فلیگ ڈے فنڈ مانہ متو تیں متو عطیو کریں۔

Rajnath Flag Day

وزیر داخلہ راج ناتھ سنگھ نے اج مسلح افواج یوم پرچم غا موقعہ و بھارتی مسلح افواج غی قربانیاں تے حوصلہ، بہادری استقامت نانہ سلام پیش کیو ہے۔ اپنا پیغام مانہ جناب سنگھ نے کہیو ہے جے مسلح افواج یوم پرچم و بھارت غی افواج غی خدمات تے حوصلہ نانہ یاد کیو جائے۔ انہاں نے بھارت نانہ محفوظ بنان مانہ اہم کردار ادا کرن و اُن غی تعریف کی۔ انہاں نے زور پایو جے ہر اک مسلح افواج یوم پرچم فنڈ مانہ فراخدلی

نال تعاون کرے۔ واضع رہ جے 1949 توں 7 دسمبر نانہ مسلح افواج یوم پرچم غا طور قوم وردی مانہ جواناں تے شہیداں غا احترام مانہ منا ربی ہے۔

PM KV

وزیر اعظم نریندر مودی نے ملک پھر مانہ 85 نواں کیندریہ ویدیالیہ اسکول کھولن غا کا بینہ غا فیصلہ غی تعریف کی ہے۔ اک سماجی میڈیا پوسٹ مانہ وزیر اعظم مودی نے کہیو جے سرکار نے اسکولی تعلیم توڑی رسائی یقینی بنان واسطے اک ہور بڑو فیصلو لیو ہے۔ انہاں نے اجاگر کیو جے اس فیصلہ سنگ کس طرح خصیری تعداد مانہ بچاں نانہ فاندو پُجے گو اور ورزگار غا نواں مواقع میسر آئیں گا۔

KV School Reasi

مرکزی سرکار غی طرفوں خطہ جموں مانہ 10 نواں کیندریہ ویدیالیہ اسکولان نانہ کھولن غو اعلان کیو گیو ہے جن وچوں 2 ضلع ریاسی مانہ کھولیا جائیں گا۔ ضلع ریاسی گا لوکاں نے سرکار غی طرفوں خطہ مانہ تعلیمی معیار بہتر بنان تے مقامی لوکاں نانہ معیاری تعلیم مہیا کران غا سلسلہ مانہ لیا گیا اس فیصلہ غو خیر مقدم کیو ہے۔ امید کی جا رہی ہے جے نواں کیندریہ ویدیالیہ اسکولان غے ذریعے بکھ بکھ سماجی تے اقتصادی پس منظر رکھن آلا بچاں نانہ قومی معیار غے تحت جدید تعلیم مہیا کرائی جا ئے گی۔ آکاشوانی غا ضلع نمائندہ ریاسی دیندر ٹھاکر سنگ گل کرتاں واں ممبر اسمبلی ریاسی کلدیپ راج دوبے تے اک مقامی شخص راگھو نے اس طرح کہیو۔۔ بانٹ۔۔

Mishap

ضلع ریاسی مانہ اج پیش آیا اک سڑک حادثہ مانہ اک شخص ہلاک جد کہ 1 دوجو زخمی ہو گیو ہے۔ رپورٹاں غے مطابق اک ایکو گڈی جہیڑی تھراں تیں شکا ری آلے پاسے جا ری رہی تھی مہور علاقہ مانہ سڑک تیں رُڑ غے 2 سو فٹ گہری کھائی مانہ جا پئی۔ جس غا نتیجہ مانہ اک شہری ہلاک ہو گیو جد کہ اک دوجو شدید زخمی ہو گیو جس نانہ علاج واسطے ہسپتال مانہ داخل کیو گیو ہے۔

یہ خبر تم آکاشوانی جموں تیں سن رہیا ہیں خبراں غا باقی حصہ طارق ابرار۔

Jammu Heli Services

جموں کشمیر غی سرکار نے سیلانیاں تے مقامی لوکاں غا آرام دہ سفر تے بہتر رابطہ غی یقین دہانی واسطے پورا جموں خطہ مانہ ہیلی خدمات دوبارہ تیں شروع کر دتی ہیں۔ اک سماجی میڈیا پوسٹ مانہ سیاحت غی ڈائریکٹوریٹ نے اطلاع دتی ہے جے خدمات جموں توں راجوری، پونچھ، ڈوڈہ، کشتواڑ تے کشتواڑ توں نواپاچھی، سوندر تے انشن واسطے دستیاب ہیں۔ واضع رہ جے بنا پریشانی سفر تے جموں غی بے حد خوبصورتی اڑان غے ذریعے نظارولین واسطے لوک سیاحت غی ڈائریکٹوریٹ دفتر جموں مانہ بکینگ واسطے آسکیں۔

Smart India Halkthan

آئی آئی ٹی جموں 11 دسمبر توں سمارٹ انڈیا ہیکتھان 2024 غا عظیم الشان فائینل غی میزبانی کرن آلو ہے۔ مُلک پھر توں 30 ٹیم قومی حساس اطلاعات، بنیادی ڈھانچہ بارے تحفظاتی مرکز غی طرفوں درپیش سائبر سکیورٹی غا اہم مسائل غا نمیڑا واسطے مقابلو کریں گا۔ جموں ضلع توں آکاشوانی گا نمائندہ انکوش شرمانے اطلاع دتی ہے کہ آئی آئی ٹی جموں غی 3 ٹیم وی اس باوقار تقریب مانہہ حصول لیں گی۔ جھپڑی کرناٹک، دہلی، گوہاٹی غا نوڈل مرکز ان مانہہ ادارہ غی نمائندگی کریں گی۔ وزارت تعلیم غے زیر اہتمام اس مُلک گیر اقدام گا ستواں شمارہ غو عملی طور ور مرکزی وزیر جناب دھرمیندر پردھان افتتاح کریں گا۔ بھارت پھر مانہہ 51 نوڈل مرکز غے نال آئی آئی ٹی جموں اختراعات غا فروغ دین اور مسانیل غا حل مانہہ کلیدی کردار ادا کرے۔ واضع رہے جے طالب علم اس تقریب نانہہ لے غے کافی پُر جوش ہیں۔ تے اس بارہ مانہہ مزید تفصیل دیتاں واں آئی آئی ٹی جموں غا تقریب نوڈل افسر ڈاکٹر وجے پال نے اس طرح کہیو۔۔ بانٹ۔۔ اس طرح دسیو۔۔ بانٹ۔۔

TB Kathua

صحت تے طبی تعلیم محکمہ کٹھوعہ نے ضلع کٹھوعہ نانہہ ٹی بی یعنی تپ دق بیماری تیں پاک بنان غی خاطر ضلع سطح ور 100 دناں غی مہم غی شروعات کی۔ یاہ مہم اک وین گڈی نانہہ ہری جھنڈی دس غے شروع کی گئی۔ اس موقعہ ور ممبر اسمبلی کٹھوعہ ڈاکٹر بھارت بھوشن تے ایڈیشنل ضلع ترقیات کمشنر کٹھوعہ سریندر موہن وی موجود تھا۔ اس موقعہ ور بولتان واں ممبر اسمبلی کٹھوعہ ڈاکٹر بھارت بھوشن نے کہیو جے سرکار وزیر اعظم نریندر مودی غا نعرہ ٹی بی مُکت بھارت، سوستہ بھارت غے تحت سماج نانہہ اس بیماری تیں پاک بنان غا جتن کر رہی ہے۔ اس بارے آکاشوانی سنگ گل کرتاں واں سی ایم او کٹھوعہ ڈاکٹر وجے رینہ نے اس طرح کہیو۔۔ بانٹ۔۔

Samba Flag Day

ضلع سانہہ غا گورنمنٹ گرلز ہائس سکینڈری اسکول جکھ مانہہ مسلح افواج غو یوم پرچم منایو گیو۔ جس مانہہ این سی سی کیڈیٹاں، اسکولی عملہ، طالب علمان تے مقامی لوکاں نے بھارت غا بہادر جواناں غا پیرواراں غی بھلائی بہتری واسطے عطیو کیو۔ اس موقعہ ور آکاشوانی سنگ گل کرتاں واں گورنمنٹ گرلز ہائس سکینڈری اسکول جکھ غی پرنسپل شیو رچنا نے اس طرح کہیو۔۔ بانٹ۔۔

Hockey

اٹھواں جونئیر وومینز ہاکی ایشیا کپ اچ مسقط اومان مانہہ شروع ہو گیو ہے جس مانہہ براعظم غی دس ٹیم حصولے رہی ہیں۔ جونئیر ایشیا کپ 2025 مانہہ چلی مانہہ ہون آلا ایف آئی ایچ جونئیر عالمی کپ واسطے کو ایفائیٹنگ ایونٹ ہے۔ پول اے مانہہ بھارتی جو نیئر وومینز ٹیم غو مقابلو چین، ملیشیا، تھائی لینڈ تے بنگلہ دیش غی ٹیمان سنگ وے گو۔ جد کہ پول بی چائنس تائپے، ہانگ کانگ تے سری لنکا غی ٹیمان سنگ وے گو۔ بھارتی جونئیر وومنز ہاکی ٹیمان سنگ وے گو۔ بھارتی جونئیر وومنز ہاکی ٹیم غی قیا دت جیوتی سنگھ بطور کپتان تے ساکشی رانا بطور نائب کپتان ہیں۔ بھارتی ٹیم مانہہ 5 کھلاڑی وی شامل ہیں۔ جھپڑی گذشتہ مہینہ مانہہ ایشین چمنپن ٹرافی جتن آلا اسکارڈ غو حصول تھیں۔ بھارتی ٹیم اپنو پہلو مقابلو بنگلہ دیش غے خلاف کل کھیڈے گی۔ ٹورنامنٹ غو

فائنل مقابلو 15 دسمبر نانہ وے گو۔ اس کپ مانہ سرِ فہرست رہن آلی 5 ٹیم اگلے سال ہون
آلا عالمی کپ واسطے کو الیفائی کرے گی۔

اس غے نال ہی خبراں غو یوہ بلیٹن ختم ہوؤ۔